



JAVNA USTANOVA
ZAVOD ZA ZDRAVSTVENU ZAŠTITU
ŽENA I MATERINSTVA
KANTONA SARAJEVO

JAVNA УСТАНОВА
ЗАВОД ЗА ЗДРАВСТВЕНУ ЗАШТИТУ
ЖЕНА И МАТЕРИНСТВА
КАНТОНА САРАЈЕВО

Broj: 10 – 1667 -01/19
Sarajevo, 30.08 2019. godine

Na osnovu člana 69. stav (2) tačka d), člana 70. stav (1), (4) i (6) Zakona o javnim nabavkama („Sl. glasnik BiH“, broj 39/14), člana 30. i 39. Statuta JU Zavod za zdravstvenu zaštitu žena i materinstva Kantona Sarajevo, na preporuku Komisije za javne nabavke Zavoda broj: 10-1660/2-05/19 od 29.08.2019. godine, u postupku javne nabavke radova sanacija podrumskih prostorija i ulaznog stepeništa u zgradi Zavoda u otvorenom postupku OP 10-02/19 sa E-aukcijom, Direktor Zavoda je donio

ODLUKU

o poništenju postupka javne nabavke

Član 1.

Poništava se postupak javne nabavke radova sanacija podrumskih prostorija i ulaznog stepeništa u zgradi Zavoda u otvorenom postupku OP 10-02/19 sa E-aukcijom, u skladu sa članom 69. stav (2) tačka d) Zakona o javnim nabavkama.

Član 2.

Za realizaciju ove odluke zadužuje se APS i EFS Zavoda.

Član 3.

Ova odluka objavit će se na web-stranici Zavoda www.zzzm.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Образложение

Postupak javne nabavke pokrenut je Odlukom o pokretanju postupka javne nabavke broj: 10-1456-01/19 od 02.08.2019. godine.

Javna nabavka je provedena putem otvorenog postupka sa E-aukcijom.

Procijenjena vrijednost javne nabavke bez PDV-a je 115.000,00 KM.

Obavještenje o nabavci broj: 567-1-3-15-3-7/19 poslato je na objavljivanje dana 05.08.2019. godine, a objavljeno je na Portalu javnih nabavki dana 05.08.2019. godine, sažetak obavještenja o nabavci objavljen je u „Sl. glasniku BiH“, broj 54/19 od 09.08.2019. godine.

Komisija za javne nabavke imenovana je Odlukom broj: 10-531-01/19 od 18.03.2019. godine.

Komisija za javne nabavke dostavila je dana 30.08.2019. godine Izvještaj o radu broj: 10-1660/1-05/19 od 29.08.2019. godine, Zapisnik sa otvaranja ponuda broj:10-1635/1-05/19 od 27.08.2019. godine i Zapisnik o pregledu i ocjeni ponuda broj: 10-1660-05/19 od 29.08.2019. godine i preporuku o poništenju postupka javne nabavke broj: 10-1660/2-05/19 od 29.08.2019. godine, u postupku javne nabavke radova sanacija podrumskih prostorija i ulaznog stepeništa u zgradi Zavoda u otvorenom postupku OP 10-02/19 sa E-aukcijom.

U postupku po Izvještaju o radu je utvrđeno da je Komisija za javne nabavke blagovremeno i pravilno izvršila otvaranje ponuda i ocjenu kvalifikovanosti ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1. (jedan);
- da je ponuđač preuzeo tendersku dokumentaciju sa portala e-nabavke;
- da je blagovremeno zaprimljena 1. (jedna) ponuda;
- da je ponuda ponuđača *Interming d.o.o., ul. Ferde Hauptmana 7, 71000 Sarajevo*, nije prihvatljiva iz sljedećih razloga:

U tenderskoj dokumentaciji u tački 6.1.1. navedeno je sljedeće:

6.1.1. U skladu sa članom 47. ZJN BiH, **ponuda ponuđača će biti odbijena:**

a) ako mu je račun kod poslovne banke bio blokiran u zadnjih 6 mjeseci od datuma predaje ponude za predmetnu nabavku;

b) ako ima ostvarene negativne rezultate poslovanja za 2018. godinu, ili od datuma registracije, odnosno početka poslovanja u predmetnom segmentu, ako je dobavljač registrovan, odnosno počeo sa radom prije manje od 1 (jedne) godine.

Tačkom 6.1.2. Ponuđač treba dostaviti sljedeći dokaz:

a) Fotokopija potvrde poslovne banke da račun nije bio blokiran u zadnjih šest mjeseci. Datum izdavanja potvrde ne smije biti stariji od 15 dana od dana predaje ponude za predmetnu nabavku.

b) Fotokopija bilansa uspjeha za 2018. godinu ili od datuma početka rada ukoliko je dobavljač počeo sa radom prije manje od godinu dana, čime se dokazuje da je dobavljač poslovao pozitivno.

d) Izjavu o ispunjenosti uslova iz člana 47. stav (4) Zakona o javnim nabavkama BiH (prilog: 6), potpisanu i ovjerenu pečatom ponuđača.

U slučaju kada ne postoji zakonska obaveza objavljivanja poslovnog bilansa u zemlji u kojoj je ponuđač registrovan, isti je dužan dostaviti izjavu ovjerenu kod nadležnog organa.

U slučaju da je dobavljač poslovao sa gubitkom za traženi period, ponuda dobavljača će se odbaciti kao neprihvatljiva.

Navedeni dokument/dokaz, naveden u tački 6.1.2. od a) i b), ponuđač dostavlja uz ponudu, kao običnu kopiju zajedno s Izjavom koju ovjerava ponuđač, čija forma je propisana od strane Agencije za javne nabavke, te čiji obrazac je sastavni dio ove tenderske dokumentacije - Prilog br.6.

Ponuđač je u svojoj ponudi nije dostavio Fotokopija bilansa uspjeha za 2018. godinu, iz čega proizilazi da ponuđač nije dostavio dokaz kako je traženo tačkom 6.1.2. b) tenderske dokumentacije.

U tenderskoj dokumentaciji u tački 6.1.4. između ostalog je navedeno:

U slučaju da se u ponudi ne dostave navedeni dokumenti u vezi sa ekonomskim i finansijskim sposobnostima ponuđača (član 47. Zakona) ili se ne dostave na način kako je naprijed traženo, ponuđač će biti isključen iz daljnog učešća zbog neispunjavanja navedenog uslova za kvalifikaciju.

U tenderskoj dokumentaciji u tački 6.1.5. navedeno je sljedeće:

6.1.5. U skladu sa članom 49. i 51. ZJN BiH, **ponuda će biti odbijena ukoliko ponuđač:**

a) nema uredno izvršen najmanje jedan ugovor, koji je u vezi sa predmetnom nabavkom i čiji ukupan iznos nije manji od 115.000,00 KM;

b) ne dostavi Certificate za materijal koji će ugrađivati;

c) ne dostavi Izjavu o dužini garancijskog perioda na kvalitet izvedenih radova u trajanju od 48 mjeseci;

- d) ne dostavi Izjavu o dužini garancijskog perioda na kvalitet ugrađenih materijala prema garancijama koje daje proizvođač materijala;
- e) nema kvalifikovano lice za izvođenje hidroizolaterskih radova u predmetnoj nabavci.

Tačkom 6.1.6. Ponuđač treba dostaviti sljedeći dokaz:

a) Spisak izvršenih ugovora o izvršenju radova koji je predmet nabavke, koji sačinjava sam ponuđač, na svom poslovnom papiru/memorandumu, potpisuje i ovjerava pečatom i potvrda koju daje druga ugovorna strana o realizaciji ugovora, kojim ponuđač dokazuje da ukupan zbir svih ugovora nije manji od 115.000,00 KM, od toga jedan ugovor ili dio jednog ugovora minimalne vrijednosti 40.000,00 KM iz oblasti hidroizolacije. U slučaju da se potvrda o realizaciji ugovora, iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju;

Potvrda o uredno izvršenim ugovorima **mora sadržavati** sljedeće podatke:

- naziv i sjedište ugovornih strana ili privrednih subjekata;
 - predmet ugovora;
 - vrijednost ugovora sa naznakom na iznos za hidroizolaterske radove;
 - vrijeme i mjesto izvršenja ugovora;
 - navode o uredno izvršenim ugovorima.
- b) Certifikat za materijale koje će ugrađivati u skladu sa Zakonom o građevinskim materijalima F BiH;
- c) Izjavu ponuđača da garancijski period na kvalitet izvedenih radova iznosi 48 mjeseci;
- d) Izjavu ponuđača da garancijski period za ugrađene materijale prema garancijama koje daje proizvođač materijala;
- e) Dokaz iz kojeg je vidljivo da ponuđač ima jedno zaposleno ili angažovano lice koje kvalifikovano za izvođenje hidroizolaterskih radova u predmetnoj nabavci.
- f) Ovjerenu Izjavu o ispunjenosti uslova iz člana 51. Zakona o javnim nabavkama (Prilog 7);

Ponuđač je u svojoj ponudi nije dostavio spisak izvršenih ugovora o izvršenju radova koji je predmet nabavke, ali je dostavio potvrde o realizaciji ugovora, koju daje druga ugovorna strana, iz kojih nije vidljivo da je ponuđač izvodio radove iz oblasti hidroizolacije u minimanom iznosu od 40.000,00 KM kako je traženo u tenderskoj dokumentaciji.

Ponuđač je u svojoj ponudi nije dostavio dokaze iz tačke 6.1.6. b), c) d) i f) tenderske dokumentacije.

U tenderskoj dokumentaciji u tački 6.1.7. između ostalog je navedeno:

U slučaju da se u ponudi ne dostave navedeni dokumenti u vezi sa tehničkim i profesionalnim sposobnostima ponuđača (član 49. i 51. ZJN) ili se ne dostave na način kako je naprijed traženo, ponuđač će biti isključen iz daljnjeg učešća zbog neispunjavanja navedenog uslova za kvalifikaciju.

Ponuđač u svojoj ponudi nije dostavio izjave i dokaze tražene u tenderskoj dokumentaciji u tački 7.1. pod n), o) i r).

U tački 7.1. je između ostalog navedeno:

Neprihvatljivo bilo kojeg dokaza na način kako je traženo ovom tenderskom dokumentacijom (izjave, potvrde i sl.) diskvalifikuje ponuđača, te će ponuda biti odbačena kao neprihvatljiva.

U originalu ponude ponuđača, Obrazac za cijenu ponude ANEKS 3 dostavljen je kao kopija, dok se u kopiji ponude nalazi original Obrascu.

Računskom provjerom iznosa ponude ponuđača utvrđeno je da je ukupna cijena ponude bez PDV-a pogrešno upisana u iznosu od 115.510,40 KM, a treba da iznosi 115.507,40 KM, pa je u skladu sa tim utvrđen pogrešan iznos ponude sa PDV-om.

Zbog svega prethodno navedenog ponuđač *Interming d.o.o.* ponuđač je isključen iz daljnjeg učešća zbog neispunjavanja navedenog uslova za kvalifikaciju.

Nadalje, u postupku ocjene provedenog postupka, Direktor Zavoda nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.


U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da jedina primljena ponuda nije prihvatljiva, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav (2) tačka d) Zakona o javnim nabavkama, te članova 30. i 39. Statuta JU Zavod za zdravstvenu zaštitu žena i materinstva Kantona Sarajevo, odlučeno je kao u dispozitivu ove odluke.

POUKA O PRAVNOM LIJEKU

Protiv ove odluke može se izjaviti žalba najkasnije u roku od 10 (deset) dana od dana prijema ove odluke.



M. P.

Prim.mr.sci.dr. Mithat Kurtović

Dostaviti:

- Ponuđaču: *Interming d.o.o., ul. Ferde Hauptmana 7, 71000 Sarajevo e-mail: interming@hotmail.com*
- Komisiji za javne nabavke
- EFS i APS
- EFP
- Stručni saradnik za IS (na objavu portal JN i portal JN Vlade KS)
- a/a